

車早七點二十五由蘭開下午六點五十五到港  
車早四點四十五由錦開下午三點零三分到港

美德法諸國名廠所製  
綿紗布  
各等花色  
太西綢緞  
並各種  
物紙烟  
一切應用器具  
留聲  
車各式什貨無不克已發如蒙賜

啓者本行專由英美德法諸國名廠所製  
正羽毛羽綢 各等花色 太西綢緞 並各種  
洋酒罐頭食物紙烟 一切應用器具 留聲  
機器脚踏飛車 各式什貨無不克已發如蒙賜  
顧者請至本行面議可也特此佈聞本行電話六十  
九番

本行主人啟







# 盛京時報附張

號八百三第  
張附  
文分取不  
(二拜禮)

## 奏摺錄要

### 桂撫張奏請設立鐵路公所摺

奏為廣西鐵路請辦現已設立公所並撥助官款以資提倡恭摺仰祈 聖鑒事竊廣西鐵路辦事公所前經在籍工部主事張延禧呈稱西省鐵路上年經廣西京官呈請商部奏派廣東提學使于式枚為總理之後全省紳商開會集議多次迄無頭緒本年二月延禧承辦同鄉京官投簡公舉為協理于式枚旋升授郵傳部侍郎未便遙領廣西鐵路事宜遂將所有鐵路來往公牘及各同鄉函件各策分別去取彙交延禧並為署理辦法勉使從事竊維廣西地瘠民貧兼以連年兵荒集股不易而事機緊迫又未能須臾緩置當此公司未設之際若不先事組織終無成就之可期用是不揣冒昧擬先設商辦鐵路辦事公所於桂林兩處於六月十五日開辦自僑於發起之列以為聯合全省紳商議招股所設公司之導線將來公司成立此公所即行裁撤內設各員均退居股東之列其公司總理協理等員另由股東公舉商辦年限應請定為九十九年限內公家免議收回公所一切開支及各股本息暨工程司勘路經費不得不得助公家籌撥應用俾大局有所維持而購股者始形踴躍謹將章程呈候核奪等情到臣伏查桂省近連湘粵遠涉龍州陸運徑接南關西江航路直達香港在昔號稱邊陲荒蕪之地及今已成四通八達之區五金之礦遍地皆是再熟之稻歲有羨餘此外蠶桑森林畜牧凡天地自然之利無不畢具徒以內地各屬山徑崎嶇難於通達交通不便貨難於轉輸大利因而未開果能全省建築鐵路一氣貫注脈絡通達非惟湘粵滇黔之貨皆當藉以載運即本省礦產各項計約運費已可成爲鉅宗而通商惠工徵兵轉餉種種大利尤不可枚舉惟事當經始籌情類皆渙散非所有統會無以總其成尤非官爲保護無以堅其信該主事所請先設辦事公所並酌定年限撥助官款等情自係爲提挈大綱交孚衆信起見應即准其照辦查廣西上年溢額實官捐款前經奏請以一百萬兩撥充廣西鐵路礦務專款經部議准在案擬即就此項動撥以作該公所開支及各股本息暨工程司勘路經費之用一面飭令厚集股本就勘定路線趕緊動工除將章程咨部外所有商辦廣西鐵路現已設立公所並撥助官款以資提倡各緣由謹會同護理兩廣督臣胡湘林恭摺具陳伏乞 皇太后 皇上聖鑒訓示謹 奏光緒三十三年九月十一日奉 硃批該部議奏欽此

### 天津

遺愛難忘 津地商學界因前任督憲袁宮保在津時於一切民間政務無不籌畫盡善紳民咸相感戴故此次去津感情極厚紳民等爰於昨早八句鐘恭製匾額送轅門以爲去後之紀念聞紳商及學界人等沿途相送者約三百餘人可謂極一時之盛云

車站紀事 十六日宣化鎮黃鎮軍懸燈候補道何觀察炳燾觀察沈觀察沈觀察程觀察察經世均由津晚車晉京 法部郎中鄧都郎瑞琦由京來津 法國少佐一員大尉二員由榆關來津十七日雲南提督夏軍門辛酉由津赴萬壽山 洋務司陳爲鑾氏由津晉京 駐京日本稻村中佐由京早車來津 鐵路巡警總辦黃軍門本河由津回京 十七日陸軍第二鎮統制馬龍標大名鎮言敦源禁煙局馮觀察沈觀察沈觀察沈觀察沈觀察春駐津英團提督均由京晚車來津 又新任西安左翼副都統慶祺由黑龍江原籍晉京 又十八日保定軍械局孔軍門鳳池由京回省

### 直隸

難民溺斃之原因 前月落後鎮賑濟饑民東安一帶災黎紛紛領取渡水之際舟子貪載多人每名收船錢銀四百多方難難非此不敷包辦規費竟以一輩之航運運七十餘人之多遂致舟覆溺斃七人按永定河渡頭舟子留難過客之事久爲商旅所詬病而後之徒猶以爲未足復藉口由縣署包辦渡口行頭肆行勒索手段其貪酷不仁之心亦可概見該地方官若不設法維持之吾知斷絕行人之日當不遠矣

### 山東

德人經營青島 德人近年在青島修路建屋備極奢靡今年又添造大樓房數座每座可容三百人又在東營內新建五層高樓南北對峙楊家村馬廠亦建有高樓數座此外仍在平壤地地基更加擴充刻下青島地方樓閣相望兵房鱗次德人之經營青島其鄭重也如此

### 河南

孝女割舌療父之可憫 代理盧氏縣知縣陳其相爲官素以清廉自持以故家無餘蓄今代理此任因不善羅掘年來虧空兩千餘金聞林撫到任事尚核實權以虧蝕公款見議心中憂懼不知所出遂得怔忡及胃虛之疾食不下咽日來病轉加劇其女年方十三歲迷信極深愚孝所結忽聞言割股療疾之法因思股爲下體不便奉親乃易股而爲舌竟以刀割一塊置於藥下進而血流被面頓即殞命事爲陳令所覺悼痛無已若此女者天性誠篤矣而惜乎不學欲延父命轉促生命非由中國不興女學所致哉

### 江蘇

陳後帥起節 升任川督陳後帥定期於十一日交卸十三日起節各節均詳本報茲悉及屆十三日合郡官紳先至撫轅拜謁復齊集衙門官碼頭恭送行旌水陸各防營勇丁弁員亦皆戎裝列隊相送出境一時車馬往來冠蓋畢集至午後二點鐘解纜後始各分道而歸云

### 安徽

萬湖公司苛租激變案已平 蕪湖萬湖公司因案糾紛過重佃戶聚眾抵抗幾釀巨禍等情已詳前報邑尊謝鳳崗大令因此案辦理不善業經皖撫奏飭革職自秋節至今湖中尚無暴動情事聞道文仲雲觀察已出示曉諭湖民本年別荒荒歉概照五成繳租連日又經李葆林參戎張芳馨都親至湖中勸導開闢各公司佃戶均遵允上租已於本月初七開秤矣

### 江西

樂平匪亂已靖 樂平縣匪首混天麻子夏病意自稱混天大王糾集匪黨其衆以紅布包頭到處搶劫於初四日屯聚樂平城外十里之竹渡地方經駐該縣巡防右軍左軍防軍抵禦至初五日清晨即與匪接仗斃匪三十餘人該匪首猶死力抗拒不退經防營奮勇向前槍斃匪首匪始潰散當將該匪首身送縣照一影片即臬首示衆並派隊赴各鄉解散餘匪地方現已安靖云

### 湖北

趙次帥博採輿論 鄂督趙次帥自蒞任以來於地方政治民情莫不殫精竭慮逐一調查復恐猶有未盡近特特示縣門勿論軍民人等皆許上書直陳本省利弊盡言無隱有言之切當者本部堂即派員接洽以示獎勵云云

### 福建

鐵路近狀 閩省鐵路日見進步所有工程測量採辦物品情形茲將最近調查者錄左(甲)工程 一漳廈鐵路先從嵩嶼起點凡車站車廠票房公事房工程材料廠均於此處建設列爲第一圖已由匠首魏遠回李受等承接起蓋立限本年臘月完竣 一敷設路線係由嵩嶼順嶺前嶺上真庵經鄭邊籃澳頭至上下內坑計長十里列爲第二圖該處地段均早購定所有土由許有益葉兆虎張維榮向榮陳得法王添陳水等分段承包現時一律建築告竣惟石工則分與陳春波陳孟孟李漢攸王添等承辦亦已訂限完工(乙)測量 一規測幹路自嶺出第二圖後又出海滄嶺嶺前嶺洪江跨青礁白礁越金山以抵黃贊尾計程十里列爲第三圖現正趕緊丈量圍購以次招工承造(丙)採辦 一枕木向三井洋行訂購已於八月十三日由島士架輪船運到計五萬枝均屯在嵩嶼尚有漳州龍巖州土人承辦萬餘枝不日亦可運廈 一車頭向寶記三井洋行分別訂購購年內到廈至平車亦已寄購年底春初定可趕齊 一鐵軌自漢陽廠約九十

### 浙江

泉匪漸入湖境 近來泉匪漸由嘉興闖入湖境上月十八日曾在程屬綠蕩灣與防軍對仗得勝而退至江浙交界之雙塔橋攔劫行旅被搶者甚夥有南潯某絲商之妾竟被連船擄去直至次日始將人放回

### 廣東

粵邊匪亂復熾 廣東廉州府靈山縣界臨邊境前被防城匪黨攻撲後匪雖四散惟該縣地廣兵單山林叢雜匪徒最易聚集現該處石羊頭鳳凰頭石頂等一帶大山有三那餘匪約二千餘人踞爲巢穴出沒無常時向附近各村勒取械銀一營一哨及新軍百名不敷調撥由該縣令電稟粵督張安帥聞已電飭駐紮廉州宋分統迅速撥兵前往剿捕以免貽患

### 雲南

雲山餘匪猖獗 粵省廉州府靈山縣城前被匪攻圍後經宋分統安撫分路搜剿多竄往合浦縣邊界該處與桂省博白毗連山路險阻匪多爲巢穴時復潛出勾結鄉民入會到處騷擾人心頗爲惶恐并屢有約期攻撲高州石城之語現粵桂兩省軍隊已嚴爲戒備免致乘機竄擾餘匪多往附

### 袁尚書酬答天津紳民文

僕德薄能鮮承乏此邦夙夜兢兢惟恐越七年以茲矣上稟 廟謨下資羣策雖幸免覆餗然區區之意未酬萬一屬以 內召遂留樞府未獲與我紳商一別輒用歉然我紳商乃復躋堂致 頌贈物記今備極殷拳愧不敢當僕維我國積習舊官受代而士率送旗蓋久成例事尤引爲戒曾令小兒克定來津代辭至再三不獲辭我紳商既一出於至誠不問常例自不得不勉徇其請然追維受事之初艱難困苦及未盡之素志所希望於我紳商而有餘於口物詞詞之外者正自無窮特述鄙懷以作臨歧之贈可乎庚子之後瘡痍滿地京津等處虎踞鷹視人財產所失以億萬計地方法權收回於他人之手方僕之來深恐啓人口實風鶴南息民困稍蘇又值日俄開釁我守中立水陸毗連征鼓相聞偶一疏忽二輔之安危實全國所關係且夕兢惕夜不安枕賴國家之福 列聖之靈而而樞府之主持外而僚佐之贊助官紳一體互相爲力始得轉危爲安稍延旦息而僕與此都賢士大夫相處如家人父子情無不通信無不盡乃得於學務商務工藝稍藉手而自爲僥倖者亦惟僥倖之管理紳商之協助耳僕敢自以爲功故僕嘗嘆國勢不振時艱迫迫不爲亡羊補牢之計安有轉弱爲強之日以謂圖自強先謀自存故日日以籌餉練兵爲先乃二年之久兵成六鎮步武西法未及一知東西各國民皆爲兵人自爲兵人自爲戰有高等之國民始有長勝之軍隊普之勝法歸功於學校有自來矣然欲校塾林立教育普及必從工藝入手則民有生計始可行焉追教育數年來竭力經營學務工商惟天津一埠稍有可觀尚有發達之望其他外府州縣有未遍設者有雖設而徒具形式者僕之素志固未盡達至與紳女學作養母教尤屬主化之舉與教育之原本必使全省人民無不富貴具有普通之知識自養之營業乃爲盡善此尤願諸紳商所助者也方今 朝廷屢降明詔宣布立憲劃清政體地方自治開新政之萌芽樹自強之基礎凡興學勸業徵兵納稅皆維自治是賴本省創辦自治將及一年僅止一埠殊未完備但願我紳商家喻戶曉誓愛國之忱守尊 君之義勿惑於異端勿拘於舊習始終奮發克成予志我紳商贈品僕當奉爲左券也我紳商頌詞僕當認爲願事也今 蓮帥奉 命蒞此邦公忠體國素表同心願我紳商以侍僕者待 蓮帥凡僕志事之未達咸協贊以底於成益發揮而光大之斯則我紳商之祝我者實多也



本局主人敬







本行主人敬啟